



Beartas Soláthair BOOLM

Arna thabhairt faoi deara ag
Bord BOOLM ar an 29/02/2024

Arna fhorbairt ag Grúpa Oibre um Beartas
Soláthair Líonra Soláthair an BOO an leagan
deiridh arna cheadú ag Fóram na
bPríomhfheidhmeannach ar 13/10/2023

BEARTAS SOLÁTHAIR BOOLM

Uimh. Thag an Doiciméid:	Soláthar 2024.01
Arna ullmhú ag	Grúpa Oibre um Beartas Soláthair Líonra Soláthair an BOO
Arna ghlacadh ag	BOOLM
Freagracht as Cur i bhFeidhm	BOOLM
Freagracht as Athbhreithniú	Tacaíocht agus Forbairt Eagraíochta (TFE)
Tréimhse Athbhreithnithe	Beidh an beartas seo faoi réir athbhreithniú de réir riachtanais eagraíochtúla agus/nó nuair is gá é sin a dhéanamh
Suíomh Foinse	Líonra Soláthair an BOO
Suíomh Foilsithe	Suíomh gréasáin/Sharepoint
Doiciméid Eile dá dTagraítear dóibh	

1

Rialú Leagain			
Uimhir Leagain	Dáta Athbhreithnithe	Dáta Glactha	Eolas uasdátaithe
2024.01	06/12/2023	29/02/20224	Chun tairseach nua Threoir AE a léiriú le héifeacht ón 1 Eanáir 2024

CLÁR ÁBHAIR

<i>Beartas Soláthair BOOLM</i>	1
1 Cuspóir.....	3
2 Giorrúcháin.....	3
3 Cuspóirí Soláthair	3
4 Prionsabail Soláthair Phoiblí.....	4
5 Prionsabail Ghinearálta	4
5.1 Treoir AE - Airteagal 5.2	4
6 Freagracht.....	5
6.1 Bord BOO	5
6.2 Bainistíocht Feidhmiúcháin.....	5
6.3 Ról an Bhainisteora le Freagracht as Soláthar	5
7 Reachtaíocht.....	5
8 Tairseacha & Leibhéil Formheasa.....	6
8.1 Tairseacha Tairisceana	6
9 Plean soláthair chorparáidigh.....	7
10 Coinbhleacht Leasa, Rúndacht agus Eitic	7
11 Bainistíocht Conarthaí	8
12 Léasú.....	8
13 Coimeád Taifead.....	8
14 Iarmhairtí le Neamhchomhlíonadh Beartais agus Nósanna Imeachta Ceannaigh	8
15 Cur i bhfeidhm agus athbhreithniú.....	9

Beartas Soláthair BOO

1 CUSPÓIR

Is é cuspóir an doiciméid seo ná an beartas a leagan amach maidir le soláthar earraí (dá ngairtear soláthairtí freisin), seirbhísí agus oibreacha ag BOOanna agus a chinntiú go ndéantar soláthar ar fud BOOanna de réir Rialacháin & Treoracha Soláthair Phoiblí, Reachtaíochta, Beartais agus Treoirlínte Náisiúnta & de chuid an Aontais Eorpaigh. Tá dualgas ar chomhlachtaí poiblí a chinntiú go ndéantar an fheidhm soláthair phoiblí a chomhlíonadh go heiticiúil, go hionraic agus go cothrom ar bhealach a chinntíonn an luach is fearr ar airgead. Ba cheart an beartas seo a léamh i gcomhar le beartais airgeadais ábhartha an BOO.

2 GIORRÚCHÁIN

IOAE: Iris Oifigiúil an Aontais Eorpaigh	ARC&C: An tArd-Reachtair Cuntas agus Ciste
RO: an Roinn Oideachais	CBOC: Creat Bainistíochta Oibreacha Caipitil
OSR: Oifig um Sholáthar Rialtais	SSO: Seirbhísí Soláthair Oideachais
BOO: Bord Oideachais agus Oiliúna	RBATNE: an Roinn Breisoideachais agus Ardoideachais, Taighde, Nuálaíochta agus Eolaíochta

3 CUSPÓIRÍ SOLÁTHAIR

Ciallaíonn soláthar, oibreacha, soláthairtí agus seirbhísí á bhfáil ag BOOanna, cibé acu faoi chonradh foirmiúil nó nach ea. Folaíonn soláthar ceannach gnáthsholáthairtí nó gnáthsheirbhísí agus tairiscint fhoirmiúil agus gach rud eatarthu.

Tabharfar faoin soláthar i gcónaí leis na príomhchuspóirí seo a leanas:

- Uasluach ar Airgead (LAA) a chinntiú. Ní gá gurb é LAA an rogha is saoire ach an rogha is tairbhí ó thaobh eacnamaíochta de. Tá córais éifeachtacha phleanála, mhonatóireachta, mheasúnaithe agus mheastóireachta ríthábhachtach chun an cuspóir seo a bhaint amach.
- An reachtaíocht agus na treoirlínte ábhartha ar fad a chomhlíonadh.
- Ag teacht le straitéis an BOO
- Bainistíocht Riosca
- Ag ailíniú le cuspóirí inbhuanaitheachta agus glasa

Chun na cuspóirí seo a bhaint amach, éilíonn BOOanna an méid seo a leanas freisin:

- Cuirtear próisis iomaíocha tairisceana i bhfeidhm
- Roghnaítear agus údaraítear soláthraithe go cuí lena n-úsáid
- Déantar monatóireacht ar sholáthraithe maidir le feidhmíocht airgeadais agus neamhairgeadais
- Ní cheannaítear oibreacha, earraí agus seirbhísí ach amháin le húdarú cuí
- Úsáidtear costáil saolré, a chuireann an costas iomlán san áireamh, .i., an costas chun é a fháil agus an costas úinéireachta saolré earra le chéile, seachas an costas ceannaigh tosaigh

- Déantar earraí agus seirbhísí a fhaightear a thaifeadadh i gceart
- Ní dhéantar íocaíochtaí ach amháin as earraí agus seirbhísí a fhaightear agus a údaraítear

4 PRIONSABAIL SOLÁTHAIR PHOIBLÍ

Tá feidhm ag Conradh na Róimhe ar fheidhmiú an AE maidir le gach gníomhaíocht soláthair beag beann ar luach. Le soláthar Earraí/Soláthairtí, Seirbhísí nó Oibreacha san earnáil phoiblí, caithfear cloí le bunphrionsabail soláthair an Chonartha:

- **Trédhearcacht:** Tá gach gníomhaíocht soláthair oscailte agus trédhearcach agus cuirtear an fhaisnéis riachtanach ar fáil do chách. Ba cheart rúin agus cinntí soláthair a fhógairt go poiblí.
- **Cóir chomhionann agus Neamh-Idirdhealú:** Tá feidhm ag na rialacha céanna le gach duine agus tá cearta rochtana comhionanna ag gach duine. Ba cheart go mbunófar cinntí ar oibiachtúlacht agus ar chothroime.
- **Comhréireacht:** Caithfidh gach beart a úsáidtear a bheith riachtanach agus oiriúnach maidir leis an gcuspóir *i.e.* dámhachtain conartha. Níl aon choinníollacha, critéir ná rialacha iomarcacha nó díréireacha le cur i bhfeidhm.
- **Aitheantas Frithpháirteach:** Beidh bailíocht chomhionann ag cáilíochtaí / ag caighdeáin atá infheidhme i mBallstáit eile.

5 PRIONSABAIL GHINEARÁLTA

Aithnítear sa Bheartas Soláthair gurb é ceannach díláraithe an modh is oiriúnaí chun na cuspóirí ceannaigh laistigh den BOO a bhaint amach. Ní mór do Shealbhóirí Buiséid comhaontuithe oiriúnacha conartha arna n-idirbheartú go lárnach a úsáid nuair is ann dóibh chun cumhacht cheannaigh a uasmhéadú don BOO iomlán agus chun an luach is fearr ar airgead a fháil. I sainréimsí, sainithneoidh an saineolaí ábhair na riachtanais agus an tsonraíocht theicniúil agus socróidh sé meastacháin agus / nó tairiscintí iomaíocha de réir mar is cuí i gcomhaontú leis an Roinn Soláthair. Sa chás go bhfuil socruithe láraithe ceannaigh i bhfoirm Creat-Chomhaontuithe oiriúnacha ar fáil ón Oifig um Sholáthar Rialtais nó ón tSeirbhís um Sholáthar Oideachais, úsáidfear na Creat-Chomhaontuithe seo le haghaidh soláthair. Más féidir luach ar airgead níos fearr a fháil ó sholáthraí eile arna thagarmharcáil i gcoinne creata atá ann cheana féin, ní mór do shealbhóirí buiséid dul i gcomhairle le ranna soláthair BOO agus cloí le rialacha soláthair. Ní mór taifid iomlána a choinneáil mar aon le comparáidí praghais agus cáilíochta le hais soláthraí creat-chomhaontaithe reatha an OSR chun an cinneadh seo a chosaint. Ba cheart costas iomlán an tsoláthair a mheas i gcónaí, agus ba cheart an tagarmharcáil a dhéanamh ar bhonn comhchosúil. Tá an BOO tiomanta do shármhaitheas a bhaint amach agus aithníonn sé an tábhacht a bhaineann le dea-chleachtas soláthair chun Luach ar Airgead, comhlíonadh agus bainistíocht riosca a fháil agus chun a chinntiú go mbainfear an úsáid is fearr as cistí an BOO.

5.1 TREOIR AE - AIRTEAGAL 5.2

TREOIR 2014/24/AE Ó PHARLAIMINT NA hEORPA AGUS ÓN gCOMHAIRLE an 26 Feabhra 2014 maidir le soláthar poiblí agus lena n-aisghairtear Treoir 2004/18/CE

Luaitear in Airteagal 5.2 *“i gcás ina bhfuil aonad oibríochta ar leith freagrach go neamhspleách as a sholáthar, nó as catagóirí áirithe de, go bhféadfar meastacháin a dhéanamh ar luachanna ag leibhéal an aonaid atá i gceist”*

Déan athbhreithniú le do thoil i gcomhar le treirdhoiciméad Airteagal 5.2.

6 FREAGRACHT

Caithfidh idirbhearta agus cinntí soláthair a bheith cóir agus cothrom agus caithfidh siad luach ar airgead a chinntiú (LAA). Caithfidh Údaráis Chonarthacha a bheith in ann údar a thabhairt do chinntí agus do ghníomhaíochtaí a dhéantar. Féadfaidh gach cinneadh a bheith faoi réir grinnscrúdú dlíthiúil. Tá cleachtais soláthair faoi réir iniúchadh agus grinnscrúdú faoi Acht an Ard-Reachtaire Cuntas agus Ciste (Leasú) 1993 agus tá Oifigigh Chuntasaíochta cuntasach go poiblí as caiteachas a thabhaítear. Tá Údaráis Chonarthacha freagrach as socrú a bhunú chun a chinntiú go ndéantar a ngnóthaí a sheoladh go cuí lena n-áirítear cloí le caighdeáin dea-rialachais agus chuntasachta maidir le soláthar.

6.1 BORD BOO¹

Ba cheart do bhainistíocht an Bhoird Oideachais agus Oiliúna agus don Bhord ar deireadh a chinntiú go bhfuil fócas cuí ar dhea-chleachtas i gceannach agus go bhfuil nósanna imeachta i bhfeidhm chun comhlíonadh an bheartais agus na dtreoirlínte soláthair a chinntiú.

Luaitear in Alt 8.13 den Chód Cleachtais maidir le Rialachas BOOanna: “Ba cheart don Bhord a dheimhniú dó féin go bhfuil beartais agus nósanna imeachta soláthair forbartha agus go bhfuil siad curtha in iúl don fhoireann ar fad”.

6.2 BAINISTÍOCHT FEIDHMIÚCHÁIN

Is é an Príomhfheidhmeannach Oifigeach Cuntasaíochta an BOO. Ag tuairisciú don Phríomhfheidhmeannach, tá an Stiúrthóir Tacaíochta agus Forbartha Eagraíochta freagrach as Rialachas agus Bainistiú riarachán an BOO agus maoirsíonn sé bainistíocht acmhainní an BOO ar fud fheidhmeanna na nAcmhainní Daonna, na Seirbhísí Corparáideacha, an Airgeadais, an tSoláthair, na Talún & na bhFoirgneamh agus TFC.

6.3 RÓL AN BHAINISTEORA LE FREAGRACHT AS SOLÁTHAR

Tuairiscíonn an Bainisteoir atá freagrach as riar an tSoláthair don Stiúrthóir TFE². Tá an Bainisteoir freagrach as Beartas Soláthair agus as maoirseacht a dhéanamh ar a fheidhmiú.

5

7 REACHTAÍOCHT

Tá ceannach laistigh den BOO faoi réir ceanglais reachtacha Rialacháin agus Threoracha an AE arna chorprú i ndlí na hÉireann agus atá infhorfheidhmithe de réir dhlí na hÉireann.

1. Reachtaíocht (Treoracha, Rialacháin)
2. Beartas an Rialtais (Ciorcláin, srl.)
3. Creat Bainistíochta Oibreacha Caipitil d'Oibreacha Poiblí agus Seirbhísí a bhaineann le Foirgníocht
4. Treoirlínte Ginearálta Soláthair le haghaidh Earraí agus Seirbhísí

Tá an BOO rangaithe mar “Comhlacht atá á Rialú ag an Dlí Poiblí – Fo-Lárnach” faoi Earnáil Phoiblí an AE mar gheall ar an mbealach a bhfaigheann sé maoiniú.

¹ Ó Chód Cleachtais maidir le Rialachas BOOanna

² Stiúrthóir Tacaíochta agus Forbartha Eagraíochta

Éilíonn Treoracha AE go mbeadh gach riachtanas ceannaigh (tairiscintí) os cionn “Luachanna Tairisí” oscailte d’iomaíocht Eorpach. Ní mór tairiscintí a bhfuil luach os cionn an Luacha Tairisí infheidhme a fhoilsiú san fhorlíonadh a ghabhann le hIris Oifigiúil an Aontais Eorpaigh (IOAE), agus ní mór próiseas socraithe le scálaí ama forordaithe a leanúint le haghaidh tairisceana srl. I gcás tairiscintí faoi bhun an Luacha Tairisí, éilítear sna riachtanais próiseas iomaíoch chun Rialacha Soláthair Rialtas na hÉireann a chomhlíonadh.

8 TAIRSEACHA & LEIBHÉIL FORMHEASA

8.1 TAIRSEACHA TAIRISCEANA

Is é próiseas iomaíoch an modh is fearr chun luach a fháil ar airgead poiblí agus is iad na tairseacha thíos na híoschaighdeáin a theastaíonn. Seo a leanas na tairseacha reatha le haghaidh meastachán agus tairiscintí:

Earraí agus Seirbhísí		
Tairseach	Riachtanais	Leibhéal an Údaráis Soláthair
€0 - ≤ €5,000	Meastachán amháin ó bhéal (doiciméadaithe) nó scríofa	Sealbhóir Buiséid
> €5,000 - ≤ €50,000	Ní mór 3 mheastachán scríofa ar a laghad a lorg. Féadfar r-Thairiscintí a úsáid. Ní mór don Sealbhóir Buiséid dul i gcomhairle leis an rannóg soláthair maidir le caiteachas réamh-mheasta > €15,000 agus ≤ €50,000	Sealbhóir Buiséid le haghaidh caiteachas réamh-mheasta > €5,000 agus ≤ €15,000 Stiúrthóir TFE nó an Príomhfheidhmeannach le haghaidh caiteachas réamh-mheasta > €15,000 agus ≤ €50,000
> €50,000 - ≤ €221,000	Tairiscint - Náisiúnta	Stiúrthóir TFE nó Príomhfheidhmeannach
> €221,000	Tairiscint - IOAE	Stiúrthóir TFE nó Príomhfheidhmeannach
Oibreacha		
Tairseach	Riachtanais	Leibhéal an Údaráis Soláthair
€0 - ≤ €200,000	Ní mór 5 mheastachán scríofa ar a laghad a lorg. Féadfar r-Thairiscintí a úsáid.	Príomhoifigeach cúnta Talún & Foirgneamh nó Stiúrthóir TFE nó Príomhfheidhmeannach
> €200,000 - ≤ €5,538,000	Tairiscint - Náisiúnta	Stiúrthóir TFE nó Príomhfheidhmeannach
> €5,538,000	Tairiscint - IOAE	Stiúrthóir TFE nó Príomhfheidhmeannach
Seirbhísí a Bhaineann le hOibreacha		
Tairseach	Riachtanais	Leibhéal an Údaráis Soláthair
€0 - ≤ €50,000	Cuireadh Díreach - ní mór 5 mheastachán scríofa ar a laghad a lorg Féadfar r-Thairiscintí a úsáid.	Sealbhóir Buiséid i gcomhairle le Príomhoifigeach cúnta na Roinne Talún agus Foirgneamh
> €50,000 - ≤ €221,000	Tairiscint - Náisiúnta	Stiúrthóir TFE nó Príomhfheidhmeannach

> €221,000	Tairiscint - IOAE	Stiúrthóir TFE nó Príomhfheidhmeannach
Seirbhísí Theidil III		
Tairseach	Riachtanais	Leibhéal an Údaráis Soláthair
> €750,000	IOAE	Stiúrthóir TFE nó Príomhfheidhmeannach

Oibreacha:

Is struchtúr é an [Creat Bainistíochta Oibreacha Caipitil](#) (CBOC) a forbraíodh chun cuspóirí an Rialtais a bhaint amach maidir le leasú soláthair tógála san earnáil phoiblí. Cuimsíonn sé sraith de threoirlínte dea-chleachtais, conarthaí caighdeánacha agus doiciméid teimpléid arb iadsan na ceithre philéar a thacaíonn leis an gCreat.

Mar sin féin, toisc gurb é an RO an príomh-chomhlacht maoinithe le haghaidh oibreacha tógála ar scoileanna BOO, tá na doiciméid CBOC glactha ag an RO agus chuir siad na doiciméid sin in oiriúint do thionscadail tógála scoile (Oibreacha). Ba cheart cloí leis an dá dhoiciméad treorach seo a leanas maidir le Conraitheoirí a Sholáthar chun mionoibreacha a dhéanamh i scoileanna a fhaigheann maoiniú ón RO:

1. [TGD007 Nósanna Imeachta na Foirne Deartha le haghaidh Mionoibreacha](#)
2. [Nósanna Imeachta na Foirne Deartha – 2012 an 4^ú leagan - Conraitheoirí a Sholáthar](#)

9 PLEAN SOLÁTHAIR CHORPARÁIDIGH

Mar atá leagtha amach i [gCiorclán 0002/2019](#) Cód Cleachtais maidir le Rialachas Boird Oideachais agus Oiliúna, tá dualgas ar gach Bord Oideachais agus Oiliúna “a dheimhniú go bhfuil Plean Soláthair Chorporáidigh forbartha agus á chur i bhfeidhm”. Chuige sin chomhaontaigh Earnáil an BOO glacadh le teimpléad an Phlean Soláthair Chorporáidigh, lena n-áirítear PSI (Plean Soláthair Ilbhliantúil) agus é a chur faoi bhráid BOOÉ gach bliain le haghaidh comhthiomsú earnála agus ar chur aghaidh ansin le cur faoi bhráid an OSR/ SSO.

7

10 COINBHLEACHT LEASA, RÚNDACHT AGUS EITIC

Tagraíonn Coinbhleacht Leasa (lena n-áirítear aon ‘Leas Inchláraithe’ mar a shainmhínítear san Acht um Eitic in Oifigí Poiblí 1995) do chásanna ina bhféadfadh leas pearsanta breithiúnas agus ionracas gairmiúil a chur i mbaol, nó an chuma a bheith air nó an fhéidearthacht bheith ann go gcuirfeadh sé iad i mbaol, agus é sin á dhéanamh leas BOOXX a chur i mbaol.

Ceanglaítear ar údarais chonartha “bearta iomchuí” a ghlacadh chun coinbhleachtaí leasa a chosc, a aithint agus a leigheas maidir le seoladh nós imeachta soláthair chun aon saobhadh iomaíochta a sheachaint agus chun cóir chomhionann idir tairgeoirí a chinntiú. Áirítear le coinbhleacht leasa aon chás ina bhfuil leas airgeadais, eacnamaíoch nó pearsanta eile ag ball foirne ábhartha go díreach nó go hindíreach a d’fhéadfaí a mheas a chuirfeadh neamhchlaontacht agus neamhspleáchas an bhaill foirne céanna i mbaol i gcomhthéacs an nós imeachta soláthair.

Ba cheart gach beart is gá a ghlacadh chun a chinntiú go bhfanann Faisnéis Rúnda faoi rún. Chun a chinntiú go gcomhlíonann gach faisnéis, fíric, sonraí agus ábhar eile a bhfaightear eolas orthu, go díreach nó go hindíreach, mar thoradh ar ghníomhaíochtaí, na rialacháin reatha. Coinnítear agus daingnítear úsáid agus feidhmiú gach Faisnéise nó sonraí Rúnda (lena n-áirítear sonraí pearsanta mar atá sainmhínithe sna Dlíthe um Chosaint Sonraí) ar bhealach cuí.

Ar leithligh, tá oibleagáid reachtúil ar oifigigh phoiblí a bhfuil “poist ainmnithe” acu chun críocha na nAchtanna um Eitic in Oifigí Poiblí 1995 agus 2001 Ráiteas Leasa Bliantúil a chur ar fáil ina nochtar aon leas atá ag an duine agus aon leasanna atá, go bhfios dó nó di féin, ag céile nó páirtneir sibhialta, leanbh nó leanbh chéile an duine sin, a d’fhéadfadh tionchar ábhartha a imirt ar an duine i ndáil lena f(h)eidhmeanna oifigiúla a chomhlíonadh.

Gníomhóidh gach fostaí de chuid BOO a bhfuil baint acu ar bhealach ar bith leis an bpróiseas Soláthair go heiticiúil agus ba cheart aird a thabhairt ar na beartais seo a leanas:

- i. Eitic
- ii. Beartas Fáilteachais agus Bronntanas
- iii. Cód Iompair

11 BAINISTÍOCHT CONARTHAÍ

Is comhaontuithe iad conarthaí atá infhorffheidhmithe go dlíthiúil beag beann ar theideal an doiciméid. Caithfidh conradh a bheith ag BOO le soláthraithe chun earraí nó seirbhísí a sholáthar. Beidh feidhm ag Téarmaí agus Coinníollacha caighdeánacha Ordaithe Ceannaigh an BOO (ar fáil ar shuíomh Gréasáin an BOO) maidir le gach earra agus seirbhís nó go dtí go sínítear conradh. Beidh comhaontuithe caighdeánacha dlí BOO/OSR/SSO arna choigeartú chun cineál na seirbhísí/na n-earraí a chur san áireamh mar bhonn le haon chomhaontú. Ba cheart go gcumasódh an conradh bunú dea-chaidreamh oibre, infheistíocht acmhainní (ón dá pháirtí) chun earraí nó seirbhísí den scoth a sheachadadh ar bhealach atá chomh héifeachtach agus is féidir.

12 LÉASÚ

Teastaíonn faomhadh an Bhoird agus an RO do gach léasú sula ndéantar aon chomhaontú léasa. Tá cosc dian ar léasú airgeadais.

Tá saincheisteanna a bhaineann le léasú maoine agus Soláthar maidir le Maoín a Fháil agus Farasbarr Maoine a Dhiúscairt leagtha amach i [gCiorclán 17/2016 ón Roinn Caiteachais Phoiblí](#)

13 COIMEÁD TAIFEAD

Sonraítear i mBeartas Bainistíochta agus Coinneála Taifead an BOO an tréimhse ar gá taifid a choinneáil di. Ba cheart gach taifead a choinneáil go leictreonach.

Ba cheart do gach fostaí a bhfuil baint aige nó aici le ceannach thar ceann an BOO ceanglais na reachtaíochta ábhartha agus infheidhme go léir a chomhlíonadh. Áirítear leis seo, ach níl sé teoranta do, Cód Rialachais an BOO, Treoracha Caiteachais Phoiblí agus Ciorcláin an Rialtais.

14 IARMHAIRTÍ LE NEAMHCHOMHLÍONADH BEARTAIS AGUS NÓSANNA IMEACHTA CEANNAIGH

Dréachtaíodh an beartas seo le cinntiú go gcomhlíonann an BOO a chuid oibleagáidí dlíthiúla. Níl comhlíonadh faoi rogha an duine aonair agus measfar gur ábhar tromchúiseach é aon sárú ar an mbeartas agus d’fhéadfadh go ndéanfar atreorú le haghaidh imscrúdú faoi nósanna imeachta araíonachta an BOO mar thoradh air.

15 CUR I BHFEIDHM AGUS ATHBHREITHNIÚ

Athbhreithneoidh Fóram na bPríomhfheidhmeannach an beartas gach ré bliain de réir an dea-chleachtais, nó i bhfianaise athruithe sa reachtaíocht agus treoir ó fhoinsí amhail OSR, Iniúchadh Inmheánach, ARC&C, an Roinn Oideachais, an Roinn Breisoideachais agus Ardoideachais, Taighde, Nuálaíochta agus Eolaíochta agus an Roinn Caiteachais Phoiblí & Athchóirithe.

Is é 29/02/2024 an dáta cur chun feidhme, agus is é sin an dáta ar ghlac BOOLM leis.